

Naalakkersuisut siulittaasuat
Landsstyreformanden

Inatsisartunut Ilaasortaq Anthon Frederiksen
/Maani

Inatsisartut suleriaasissaanni § 36, imm. 1 innersuussutigalugu 8. september 2006-imeersunik allagaqarlutit Naalakkersuisut qinnuigaatit uku nassuiaateqarfigeqqullugit:

18. september 2006
Sags nr.
17.27.10-00003

Meeqqat suli nammineersinnaanngitsut, angajoqqaaminnullu asanninnermik, tapersorneqarnissamik il.il. nalinginnaasumik pisariaqartitsisut qanimanartumik nappaateqalersillugit, angajoqqaat arlaat pisortanit Namminersornerullutik Oqartussat ataanni imaluunniit kommunini atorfeqarsimappata, taakku arlaat imaluunniit tamarmik, meeqqap napparsimasup angajoqqaaminnullu pisariaqartitseqisup nunagisaq qimallugu aallaqqasariaqarnini/-nertik pissutigalugu suliffimminiit/-fimminiit soraarsitaasinnaappat? Imaluunniit taamatut pisoqartillugu angajoqqaat qanoq periarfissaqartinneqarpap?

Postboks 1039
3900 Nuuk
Tlf. (+299) 34 50 00
Fax (+299) 32 44 48
E-mail: ap@gh.gl

Tjenestemandit isumaqatigiissutaat isumaqatigiissutillu allat amerlanersaat naapertorlugit sulisoq meeqqap 0-miit 16-inut ukiullip napparsimavimmut illoqarfiulluunniit najugaqarfigisap avataanut unitsinneqarnerani angalaqataasutut aamma peqqinnissaqarfiup akiligaanik angalaqataanerminut atatillugu meeqqap uninganerani aningaasarsiaminik annaasaqarani ullut aqqaneq marluk tikillugit sulinngiffeqarsinnaatitaavoq. Isumaqatigiissutini ataasiakkaani sulinngiffeqarnerup immikkut illuinnartunik pisoqartillugu ullunik tallimanik sivitsorneqarsinnaaneranut tunngavissaqarpoq.

Siuliini taaneqartut naapertorlugit sulisup aningaasarsiaminik annaasaqarani sulinngiffeqarsinnaanngortitaanera piviusorsioortumik soraarsitsinissamut tunngavissaanngilaq, tassa sulisoq taamatut sulinnginnini pissutigalugu soraarsitaasimassagaluarpap.

Ikinngutinnersumik inuulluaqqusillunga

Hans Enoksen